

Tabela 1. Podaci za bazensku vodu i bazensko kupalište opremljeno uređajima za kontinuirano mjerenje

Br.	Podatak	Mjerna jedinica	Početak rada	Sredina rada	Završetak rada
1.	Temperatura vode	°C	+	+	+
2.	pH vrijednost		+	+	+
3.	Slobodan hlór	mg/l	+	+	+
4.	Ručna mjerenja			+	
a)	slobodan hlór	mg/l		+	
b)	pH vrijednost	pH jedinica		+	
5.	Broj kupaca dnevno (Napomena 1)	Broj			+
6.	Količina dodane svježe vode	m ³ /dan			+
7.	Čišćenje filtera	Da/Ne			+
8.	Hiperhlorinacija	mg/L			+
9.	Nepredviđeni posebni događaji	Da/Ne			+

Tabela 2. Podaci za bazensku vodu i bazensko kupalište bez uređaja za kontinuirano mjerenje

Br.	Podatak	Mjerna jedinica	1	2	3	4	5	6
1.	Temperatura vode	°C	+	+	+	+	+	+
2.	pH vrijednost		+	+	+	+	+	+
3.	Slobodan hlór	mg/l	+	+	+	+	+	+
4.	Broj kupaca dnevno (Napomena 1)	Broj						+
5.	Količina dodane svježe vode	m ³ /dan						+
6.	Čišćenje filtera	Da/Ne						+
7.	Hiperhlorinacija	mg/L						+
8.	Nepredviđeni posebni događaji	Da/Ne						+

Napomene:

- (1) Ako bazensko kupalište ima veći broj bazena, vodi se evidencija o ukupnom broju kupaca, a količina dodane svježe vode dnevno mora odgovarati odredbama člana 11. ovog Pravilnika.

**Ministarstvo za rad, raseljena lica i izbjeglice
Kantona Sarajevo**

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u skladu sa članom 6. stav (2) Uredbe o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20), ministrica za rad, socijalnu politiku, raseljena lica i izbjeglice Kantona Sarajevo, donosi

**INSTRUKCIJU
O VISINI MJESEČNOG NOVČANOG IZNOSA
SUBVENCIONIRANJA TROŠKOVA GRIJANJA****Član 1.**

(Predmet Instrukcije)

Ovom instrukcijom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20).

Član 2.

(Visina mjesečnog novčanog iznosa subvencioniranja troškova grijanja)

Visina mjesečnog novčanog iznosa subvencioniranja troškova grijanja za mjesec januar, februar i mart 2025. godine iznosi 140,00 KM mjesečno.

Član 3.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-02-11446/25

17. aprila 2025. godina

Sarajevo

Ministrica

Enda Pavić Pečenković, s. r.

Ministarstvo kulture i sporta Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 54. stav (2) Zakona o sportu ("Službene novine Kantona Sarajevo", broj 45/12 - Prečišćeni tekst i 36/21) i Uredbe o dodjeli transfera neprofitabilnim organizacijama organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24 i 10/25), ministar kulture i sporta Kantona Sarajevo donosi

**PRAVILNIK
O KRITERIJIMA ZA PODRŠKU FINANSIRANJU
JAVNOG INTERESA U SPORTU KANTONA
SARAJEVO****I - OPŠTE ODREDBE****Član 1.**

(Predmet)

Ovim pravilnikom propisuju se kriteriji i način odobravanja programa kojima se ostvaruje javni interes u oblasti sporta, dodjela sredstava, izgled i sadržina prijedloga programa i dokumentacije koja se uz prijedlog podnosi, sadržina i izgled izvještaja o realizaciji programa i način i postupak kontrole realizacije odobrenih programa.

Član 2.

(Cilj)

Cilj ovog pravilnika je definisanje načina i kriterija zadovoljavanja potreba i interesa građana u oblasti sporta kroz finansiranje i sufinansiranje programa iz sredstava budžeta Kantona Sarajevo, u skladu sa zakonom, Uredbom o dodjeli transfera neprofitabilnim organizacijama organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24 i 10/25) (u daljem tekstu: Uredba), javnim pozivom i ovim pravilnikom.

Član 3.

(Upotreba rodno osjetljivog jezika)

Riječi muškog ili ženskog roda upotrijebljene u ovom pravilniku koriste se neutralno i odnose jednako na muški i ženski rod.

**II - USLOVI I KRITERIJI ODOBRAVANJA
PROGRAMA I DODJELE SREDSTAVA****Član 4.**

(Način odobravanja i sufinansiranja programa)

Programi kojima se ostvaruje javni interes iz oblasti sporta (u daljem tekstu: Programi) se odobravaju i sufinansiraju putem javnog poziv Ministarstva kulture i sporta Kantona Sarajevo (u daljem tekstu: Ministarstvo), osim izuzetaka definisanih članom 20. ovog pravilnika.

Član 5.

(Osnovni uslovi za odobrenje Programa)

Programi iz člana 4. ovog pravilnika mogu biti odobreni ukoliko ispunjavaju uslove vezane za:

- a) predlagača programa odnosno aplikanta;
- b) sadržaja i kvaliteta programa;
- c) finansiranje programa.

Član 6.

(Predlagač Programa)

Predlagač Programa, u smislu ovog pravilnika, mogu biti fizička i pravna lica registrovana u Kantonu Sarajevo, i to:

- a) Granski sportski savezi Kantona Sarajevo;
- b) Sportski klubovi registrovani u Kantonu Sarajevo;
- c) Sportska društva registrovana u Kantonu Sarajevo;
- d) Škole sporta i akademije sporta registrovane u Kantonu Sarajevo;
- e) Sportska udruženja registrovana u Kantonu Sarajevo;
- f) Sportske organizacije registrovane u Kantonu Sarajevo;
- g) Privredna društva koja se bave organizacijom sportskih događaja i sportskih takmičenja registrovana u Kantonu Sarajevo;
- h) Nadarena djeca i omladina do 18 godina starosti.

Član 7.

(Predlagač Programa kao pravno lice)

- (1) Predlagač Programa iz člana 6. tač. od a) do g) ovog pravilnika, može biti pravno lice pod uslovom daje:
 - a) upisan u odgovarajući registar u skladu sa zakonom;
 - b) ima sjedište na području Kantona Sarajevo;
 - c) direktno odgovoran za realizaciju programa;
 - d) obavljalo djelatnost u oblasti sporta najmanje godinu dana;
 - e) uspješno realizovao prethodno odobrene programe;
 - f) ispunjava uslove za obavljanje sportskih aktivnosti i djelatnosti koje su u vezi sa prijedlogom Programa u skladu sa Zakonom o sportu ("Službene novine Kantona Sarajevo", broj 45/12 - Prečišćeni tekst i 36/21) (u dalje tekstu: Zakon);
 - g) raspolaže kadrovskim i tehničkim kapacitetima za realizaciju programa;
 - h) posjeduje uredan i pozitivan izvještaj o finansijskom položaju na kraju perioda (pozitivan bilans stanja) i uredan i pozitivan izvještaj o prihodima i rashodima za prethodnu godinu.
- (2) Predlagač Programa, u skladu sa ovim pravilnikom, ne može da bude pravno lice koje:
 - a) je u postupku likvidacije, stečaja i pod privremenom zabranom obavljanja djelatnosti;
 - b) ima blokadu poslovnog računa, poreske dugove ili dugove prema organizacijama socijalnog osiguranja;
 - c) je u posljednje dvije godine pravosnažnom odlukom kažnjen za prekršaj ili privredni prestup u vezi sa njegovom djelatnošću.
- (3) Ako je u jednoj sportskoj grani registrovano više granskih sportskih saveza, finansiraju se programi samo onog sportskog saveza koji je član Sportskog saveza Kantona Sarajevo.

Član 8.

(Predlagač Programa kao fizičko lice)

- (1) Predlagač programa iz člana 6. tačka h) ovog pravilnika, mogu biti nadarena djeca i omladina do 18 godina starosti iz oblasti sporta pod uslovom da:
 - a) je državljanin Bosne i Hercegovine;
 - b) ima prijavljeno prebivalište u Kantonu Sarajevo;

- c) je sportista amater;
 - d) je član sportskog kluba registrovanog u Kantonu Sarajevo;
 - e) je reprezentativac Bosne i Hercegovine u prethodnoj ili tekućoj takmičarskoj sezoni;
 - f) ima rezultate i uspjehe na kantonalnom, entitetskom državnom i međunarodnom nivou;
 - g) ima primjereno ponašanje sportiste u skladu sa sportskim duhom i principima fer pleja.
- (2) Prijedlog programa odnosno aplikaciju u ime predlagača programa iz stava (1) ovog člana podnosi roditelj odnosno staratelj djeteta.

Član 9.

(Odgovornost predlagača programa)

- (1) Predlagaču Programa neće biti odobren Program u postupku dodjele sredstava, ako je namjerno ili sa krajnjom nepažnjom lažno prikazao podatke u obrascima ili ako je propustio da da sve tražene potrebne informacije.
- (2) U slučaju partnerskih Programa, samo jedna organizacija biće odgovorna za upravljanje odobrenim finansijskim sredstvima svih partnerskih organizacija na Programu i to ona koja ima unutrašnju organizaciju za takvo finansijsko poslovanje.

Član 10.

(Uslovi za odobravanje i sufinansiranje Programa)

Prijedlog Programa će biti odobren i sufinansiran u skladu sa ovim pravilnikom, ukoliko ispunjava slijedeće uslove:

- a) da doprinosi ostvarivanju javnog interesa u oblasti sporta utvrđenog Zakonom;
- b) da ispunjava uslove, kriterije i ciljevima definisane zakonom, Uredbom i javnim pozivom;
- c) da se realizuje u Kantonu Sarajevo, osim Programa priprema i učešća na međunarodnim sportskim takmičenjima;
- d) da je u skladu sa principima utvrđenim u dokumentima međunarodnih organizacija čija je članica Bosna i Hercegovina;
- e) da ima značajan i dugotrajan uticaj na razvoj sporta u Kantonu Sarajevo;
- f) da će se realizovati u tekućoj godini.

Član 11.

(Finansiranje Programa)

Programi se finansiraju u visini i pod uslovima koji obezbjeđuju da se uz najmanji utrošak sredstava iz budžeta Kantona Sarajevo postignu planirani rezultati.

Član 12.

(Budžet Programa)

Budžet Programa planiran u prijedlogu Programa treba da bude:

- a) ostvariv - u smislu realnih iznosa koji se planiraju po svakoj budžetskoj stavci (stvarne cijene i standardne tarife) i u smislu kapaciteta organizacije nosioca programa;
- b) sveobuhvatan - treba da uključi i pokrije sve troškove programa i prikaže učešće svih izvora finansiranja;
- c) strukturiran - formulisan da u potpunosti prati zahtjeve propisanog obrasca za izradu Programa;
- d) izbalansiran - posebno u odnosu na dopuštene troškove;

- e) precizan - bez zaokruživanja iznosa po budžetskim linijama i bez pogrešnih cifara ili zbrova po redovima i kolonama.

Član 13.

(Troškovi realizacije)

Odobrena sredstva za realizacije troškova Programa koriste se u sljedećem omjeru:

- a) administrativne troškove maksimalno do 30%;
- b) projektne aktivnosti minimalno 70%.

Član 14.

(Neopravdani troškovi)

- (1) Neopravdani troškovi su:
 - a) dugovi i pokrivanje gubitaka ili zaduženja;
 - b) kamatna zaduženja;
 - c) stavke koje se već finansiraju iz nekog drugog Programa;
 - d) troškovi otplate rata po osnovu ranije zaključenog ugovora (lizing, kredit);
 - e) kupovina alkoholnih pića i duhana;
 - f) kazne;
 - g) kupovina poklona, osim kod organizacije međunarodnih sportskih priredbi u skladu sa pravilima nadležnog međunarodnog sportskog saveza;
 - h) "razno", "eventualno", "ostalo" (svi troškovi moraju biti detaljno opisani u budžetu programa);
- (2) Sredstva koja eventualni partneri u realizaciji Programa ulažu u aktivnosti na realizaciji Programa moraju biti posebno navedena.

Član 15.

(Opravdani troškovi)

- (1) Opravdani troškovi moraju biti bazirani na planiranim troškovima navedeni u prijedlogu Programa.
- (2) Predlagač Programa dužan je da promet budžetskih sredstava vrši preko računa navedenog u prijedlogu Programa.
- (3) Sredstva koja eventualni partneri u realizaciji Programa ulažu u aktivnosti na realizaciji Programa moraju biti posebno navedena.

**III - PRIJAVA PRIJEDLOGA PROGRAMA I
DOKUMENTACIJA**

Član 16.

(Javni poziv)

- (1) Javni poziv za predlaganje programa iz oblasti sporta radi sufinansiranja iz sredstava Ministarstva kulture i sporta Kantona Sarajevo objavljuju se na internet stranici Ministarstva, a skraćena verzija javnog poziva u jednom dnevnom listu.
- (2) U javnom pozivu iz stava (1) ovog člana navode se uslovi i kriteriji za prijavu prijedloga programa te ostali podaci i informacije propisani Uredbom.

Član 17.

(Sadržaj prijedloga Programa)

- (1) Predlagač Programa može aplicirati sa jednim prijedlogom programa za jednu oblast po javnom pozivu.
- (2) Prijedlog Programa se dostavlja za svaku oblast posebno.
- (3) Prijedlog Programa sadrži detaljne podatke o:
 - a) predlagaču Programa;
 - b) oblasti javnog interesa u kojoj se ostvaruje Program;

- c) učesnicima u organizaciji i realizaciji Programa u svojstvu u kome se angažuju;
- d) ciljevima i očekivanim rezultatima, uključujući koje će probleme program riješiti i kojim grupama populacije i na koji način će Program koristiti;
- e) vrsti i sadržini aktivnosti i vremenu i mjestu realizacije Programa, odnosno obavljanja aktivnosti;
- f) načinu ocjenjivanja uspješnosti Programa (samoevaluacija);
- g) budžetu Programa, odnosno potrebnim novčanim sredstvima, iskazanim prema vrstama troškova i utvrđenim obračunom ili u paušalnom iznosu;
- h) o vremenskom planu upotrebe sredstava (vremenski period u kome su sredstva potreba i rokovi u kojima su potrebna);
- i) načinu praćenje realizacije Programa.

Član 18.

(Formalno-pravna ispunjenost uslova)

- (1) Prijedlog Programa će biti razmatran ukoliko su ispunjeni sljedeći formalni-pravni uslovi:
 - a) prijedlog Programa podnijet na utvrđenim obrascima, elektronski popunjen, jezikom i pismom u službenoj upotrebi;
 - b) sadrži sve priloge tražene javnim pozivom;
 - c) posložen redoslijedom kako je navedeno u javnom pozivu;
 - d) uvezan jamstvenikom ili spiralno;
 - e) stranice numerisane, ispečaćene pečatom organizacije i potpisane od strane lica ovlaštenog za predstavljanje i zastupanje;
 - f) sva dokumentacija podnesena uz aplikacione obrasce original ili ovjerena kopija od strane nadležne općinske službe;
 - g) podnijet u propisanom roku;
 - h) ispunjava i sve druge uslove po javnom pozivu.
- (2) Obrasci prijedloga Programa su:
 - a) aplikacioni obrazac;
 - b) izjava ovlaštenog lica predlagača Programa odnosno izjava roditelja/staratelja za prijedlog Programa za nadarenu djecu i omladinu do 18 godina starosti iz oblasti sporta;
 - c) izjava o ne/osuđivanosti;
 - d) obrazac završnog izvještaja;
 - e) izjava o partnerstvu (za oblast prijedloga programa za organizaciju međunarodnih sportskih takmičenja i takmičenja od javnog interesa za Kanton Sarajevo).
- (3) Obrasci iz stava (2) ovog člana čine prilog javnog poziva i objavljuju se na službenoj internet stranici Ministarstva.

Član 19.

(Dokumentacija)

- (1) Uz prijedlog Programa predlagač je dužan dostaviti dokumentaciju kojom se dokazuje ispunjenost propisanih kriterija za ostvarivanje javnog interesa u oblasti sporta, a koja je propisana javnim pozivom.
- (2) Sva obavezna i prateća dokumentacija dostavlja se Ministarstvu u zapečaćenoj koverti, preporučenom poštom ili lično na adresu Ministarstva.
- (3) Prijedlog Programa za koji je prijava poslata u više koverata, neće biti uzeta u razmatranje.
- (4) Na prednjoj strani koverta potrebno je navesti slijedeće podatke:

- a) naziv primaoca (Ministarstva);
 - b) adresu primaoca (Ministarstva);
 - c) naziv oblasti po javnom pozivu;
 - d) napomenu da se ne otvara prije isteka roka iz javnog poziva.
- (5) Na poleđini koverta potrebno je navesti slijedeće podatke:
- a) naziv nosioca prijedloga programa;
 - b) adresu nosioca prijedloga programa;
 - c) naziv predloženog programa.

Član 20.

(Izuzeci)

- (1) Izuzetno, Ministarstvo će u cilju zadovoljenja javnog interesa u sportu, sufinansirati takmičenja timova i sportista koja se nisu mogla predvidjeti u vrijeme objavljivanja javnog poziva, značajne sportske projekte za koje se u slučaju neobezbjeđivanja finansijskih sredstava za njihovo održavanje može opravdano očekivati šteta po javni interes u sportu, sportske manifestacije od značaja za Kanton Sarajevo koje nisu mogle biti planirane na početku godine, kao i druge opravdane zahtjeve koji se nisu mogli predvidjeti u vrijeme objavljivanja javnog poziva.
- (2) Za izuzetke predviđene u stavu (1) ovog člana, utrošiti će se maksimalno 30% budžetom planiranih sredstava u tekućoj godini.

**IV - PROCEDURA ODOBRAVANJA PROGRAMA I
DODJELE SREDSTAVA****Član 21.**

(Komisija)

- (1) Za provođenje javnog poziva iz člana 16. ovog pravilnika, ministar kulture i sporta (u daljem tekstu: ministar), u skladu sa Uredbom, imenuje komisiju koja se sastoji od neparnog broja članova.
- (2) Komisija vrši pregled i ocjenu podnijetih prijedloga programa i obavlja ostale zadatke u skladu sa Uredbom i rješenjem o imenovanju.

Član 22.

(Postupak odobranja Programa)

- (1) Postupak odobranja Programa prijavljanih na javni poziv vrši se u tri faze.
- (2) U prvoj fazi vrši se provjera formalno-pravne ispravnosti prijave Programa na javni poziv, odnosno blagovremenost i potpunost.
- (3) U drugoj fazi vrši se ocjenjivanje Programa u Tabeli vrednovanja prijedloga Programa (u daljem tekstu: Tabela vrednovanja) koja je data kao Prilog 1. ovog pravilnika i čini njegov sastavni dio.
- (4) Ocjena Programa vrši se tako što svaki član komisije vrši ocjenjivanje u Tabeli vrednovanja, a ukupan broj bodova se utvrđuje na osnovu prosječnih ocjena u okviru pojedinih kriterija.
- (5) Ako je predloženi Program prošao prethodne dvije faze, u trećoj fazi komisija daje prijedlog za odobranje Programa i odobranje budžetskih sredstava za realizaciju programa te izrađuje prijedlog odluke o dodjeli transfera koju dostavlja ministru.
- (6) Nakon što komisija dostavi prijedlog odluke iz stava (5) ovog člana ministru, ministar donosi konačnu odluku o odobrenju Programa i dodjeli sredstava.
- (7) Nepotpuni prijedlozi programa ne vraćaju se predlagraču Programa.

Član 23.

(Prigovor)

Predlagrač Programa ima pravo na izjavljivanje prigovora, osim ako prijava nije odbijena kao nepotpuna, neblagovremena i neuredna i to u roku od sedam dana od dana dostavljanja pismene obavijesti predlagraču Programa čija prijava nije prihvaćena za finansiranje i sufinansiranje.

Član 24.

(Lista dobitnika sredstava)

Lista odobrenih programa sa predlagračima programa i iznosom odobrenih sredstava objavljuje se na internet stranici Ministarstva.

Član 25.

(Procjena kvaliteta Programa)

- (1) Procjena kvaliteta i finansijsko vrijednovanje prijedloga Programa vrši se prema kriterijima i podkriterijima iz Tabele vrednovanja.
- (2) Kriteriji i podkriteriji iz stava (1) ovog člana su sljedeći:
- a) Kriterij 1 - društvena ili ekonomska opravdanost projekta (podkriteriji: koliko su jasno definisani i strateški odabrani subjekti koji su vezani za program, odnosno posrednici, krajnji korisnici, ciljane grupe; da li su potrebe ciljane grupe i krajnjih korisnika jasno definisane i dobro odmerene; Konistentnost programa sa javnim interesom u oblasti sporta utvrđenim Zakonom o sportu Kantona Sarajevo i drugim podzakonskim aktima; da li će aktivnosti provođene programom imati konkretan uticaj na ciljane grupe i razvoj sporta u Kantonu Sarajevo).
 - b) Kriterij 2 - Kvalitet izrade programa (podkriteriji: da li su planirane aktivnosti odgovarajuće, praktične i dosljedne ciljevima i očekivanim rezultatima; da li nosilac programa ima dovoljno stabilne i dovoljne izvore finansiranja; da li je plan realizacije programa dobro razrađen i izvodljiv; da li je odnos između procijenjenih troškova i očekivanih rezultata zadovoljavajući;).
 - c) Kriterij 3 - Kapacitet organizacije za realizaciju programa (podkriteriji: da li nosilac programa ima dovoljno iskustva u vođenju sličnih programa; da li nosilac programa ima dovoljno stručnosti i tehničkog znanja za vođenje predloženog programa; da li nosilac programa ima dovoljne kapacitete (uključujući osoblje, opremu i sposobnost upravljanja predloženim budžetom programa)).
 - d) Kriterij 4 - Sportski značaj i rezultat (podkriteriji: uspjesi nosioca programa na zvaničnim takmičenjima u protekloj godini; članovi reprezentacije Bosne i Hercegovine; rang takmičanja u kojem nosilac programa nastupa;).
 - e) Kriterij 5 - Inkluzivnost i specifične potrebe (podkriteriji: da li je program namijenjen osobama sa invaliditetom, ženama ili djeci; da li je program namijenjen osobama koje su podložne situaciji društvene segregacije ili marginalizacije;).
 - f) Kriterij 6 - Finansijska održivost i sufinansiranje (podkriteriji: da li je finansijski plan programa ostvariv i objektivna (da li su planirani realni iznosi po svim izvorima sredstava i vrstama troškova); da li

- je program obuhvatan (da li sadrži sve troškove programa iz svih izvora finansiranja)).
- g) Kriterij 7 - Tradicija i ugled (podkriteriji: nosilac programa osnovan prije 10 i više godina/Sportska manifestacija organizovana od 10 i više puta; nosilac programa osnovan prije 1 godinu do 10 godina / Sportska manifestacija organizovana od 1 do 10 puta;).
- (3) Ocjenjivanje prijedloga Programa vrši se ocjenama od 1 do 5, gdje je: 1-loše; 2-dovoljno; 3-dobro; 4-vrlo dobro; 5-odlično.
- (4) Svaki član komisije u Tabeli vrednovanja ocjenjuje prijedlog Programa prema utvrđenim podkriterijima ocjenama iz stava (3) ovoga člana.
- (5) Zbir svakog pojedinačnog kriterija se dobije sabiranjem ocjena datih za odgovarajuće podkriterije.
- (6) Ukupan rezultat osvojenih bodova, na osnovu dodjeljenih ocjena za prijedlog Programa, dobije se zbrajanjem svih rezultata kriterija po članu komisije koji broj se dijeli sa brojem članova komisije.
- (7) Maksimalni broj bodova iznosi 100.
- (8) Ministarstvo nije u obavezi da odobri i finansira predloženi Program iako ispunjava formalno-pravne uslove.

Član 26.

(Ugovor o dodjeli transfera)

- (1) Sa predlagračem odobrenog Programa ministar zaključuje ugovor o dodjeli transfera.
- (2) Ako se predlagrač odobrenog Programa ne odazove pozivu za zaključenje ugovora u roku od osam dana od dana prijema poziva, smatraće se da je odustao od prijedloga Programa.

V - PRAĆENJE I KONTROLA REALIZACIJE PROGRAMA I UTROŠKA SREDSTAVA

Član 27.

(Izveštaj o realizaciji Programa)

- (1) Predlagrač odobrenih Programa obavezni su Ministarstvu, na zahtjev, kao i u roku koji je predviđen ugovorom o realizaciji Programa, a najmanje jednom godišnje, dostaviti izveštaj sa relevantnom dokumentacijom o ostvarivanju Programa ili dijelova Programa i korištenju sredstava budžeta Kantona Sarajevo.
- (2) Predlagrač Programa je u obavezi da u roku od 30 dana od završetka realizacije Programa i isplate sredstava, dostavi Ministarstvu završni izveštaj o realizaciji Programa.
- (3) Predlagrač odobrenih Programa obavezni su završni izveštaj podnijeti na propisanom obrascu iz člana 18. stav (2) tačka d) ovog pravilnika, uz koji se dostavlja i izvode banke, odgovarajuće fakture i uplatnice.
- (4) Ministarstvo razmatra samo one izveštaje o realizaciji Programa koji su podnijeti na propisanom obrascu.
- (5) Predlagrač odobrenog Programa u završnom izveštaju o realizaciji programa vrše i procjenu postignutih rezultata sa stanovišta postavljenih ciljeva (samoevaluacija).

Član 28.

(Vođenje evidencije i dokumentacija)

- (1) Predlagrač Programa vodi sve potrebne evidencije koje omogućavaju Ministarstvu sprovođenje kontrole realizovanja programa i utroška sredstava.
- (2) Predlagrač odobrenog Programa dužan je da čuva evidenciju, odnosno dokumentaciju koja se odnosi na realizo-

vanje tog programa deset godina od dana kada je taj program završen, ako to zakonom nije drugačije određeno.

- (3) Predlagrač Programa je u obavezi da ovlaštenim licima Ministarstva omogućiti uvid u cjelokupnu dokumentaciju i sva mjesta vezana za realizaciju ugovorenog program i u postupku kontrole pruži im sve potrebne informacije.
- (4) Predlagrač Programa je u obavezi da omogućiti Ministarstvu uvid u podatke koje vode treća lica, a u vezi sa korištenjem odobrenih sredstava i realizacijom Programa.

Član 29.

(Kontrola utroška sredstava)

- (1) U toku perioda korištenja dodijeljenih sredstava, Ministarstvo zadržava pravo vršenja kontrole kako trošenja finansijskih sredstava, tako i praćenja predviđene dinamike programa.
- (2) Prilikom takvih kontrola, nosilac programa je dužan osigurati uslove za njihovo provođenje.

Član 30.

(Namjenski utrošak sredstava)

- (1) Predlagrač odobrenog Programa kome su dodijeljena sredstava dužan je namjenski koristiti sredstva iz budžeta Kantona Sarajevo.
- (2) Sredstva dobijena iz budžeta Kantona Sarajevo predlagrač Programa je dužan vratiti u budžet, u cijelosti ili djelimično, u slučaju da:
- netačno ili nepotpuno obavijesti Ministarstvo o bitnim okolnostima vezanim za odobrenje i realizovanje programa;
 - svojim propustom ne izvrši program u cjelini ili ga izvrši u nebitnom dijelu ili ga izvrši sa bitnim zakašnjenjem.

Član 31.

(Neutrošena sredstava)

Ukoliko predlagrač Programa odnosno korisnik sredstava ne utroši odobrena budžetska sredstva dužan je da izvrši povrat sredstava u budžet Kantona Sarajevo.

Član 32.

(Relokacija budžetskih sredstava)

- (1) Izmjene u pogledu odobrenih sredstava za realizaciju Programa, mogu se izvršiti ako se:
- time ne ugrožava osnovi cilj Programa;
 - sredstva se mogu relocirati u iznosu do 10% od odobrenog iznosa sredstava u okviru budžetske stavke odobrenog programa, kao i između njih.
- (2) U slučajevima iz stava (1) ovog člana, predlagrač Programa je dužan o tome obavijestiti Ministarstvo.

Član 33.

(Gubitak prava na dodjelu sredstava)

Predlagrač programa ne može dobiti sredstva iz budžeta Kantona Sarajevo za realizaciju Programa naredne tri godine od dana kada je utvrđeno postojanje sljedećih okolnosti:

- netačno ili nepotpuno obavijesti Ministarstvo o bitnim okolnostima vezanim za odobrenje i realizovanje Programa;
- svojim propustom ne izvrši Program, u cjelini ili ga izvrši u nebitnom dijelu ili ga izvrši sa bitnim zakašnjenjem;
- upotrijebi sredstva nenamjenski, u potpunosti ili djelimično;
- ne pridržava se propisanih ili ugovorenih mjera koje su utvrđene radi osiguranja realizacije programa;

- e) ne dostavi u predviđenim rokovima potrebne izvještaje i dokaze, iako ga je Ministarstvo prethodno upozorilo na nepravilnosti i posljedice;
- f) prestane da ispunjava uslove koji su na osnovu zakona, Uredbe i ovog pravilnika potrebni za dobijanje sredstava;
- g) spriječi ili onemogući sprovođenje propisanih, odnosno ugovorenih kontrolnih mjera.

Član 34.

(Javnost rada)

- (1) Predlagač odobrenog Programa najmanje jednom godišnje čini dostupnim javnosti izvještaje o svom radu i o obimu i načinu sticanja i korištenja sredstava i taj izvještaj dostavlja Ministarstvu.
- (2) Izvještaj iz prethodnog stava može se objaviti i na internet stranici predlagača Programa i mora biti dostupan javnosti tokom cijele godine.
- (3) Na svim dokumentima i medijskim promocijama vezanim za realizovanje Programa kojima se ostvaruje javni interes u oblasti sporta mora da bude istaknuto da se program finansira sredstvima iz budžeta Kantona Sarajevo.

VII - ZAVRŠNE ODREDBE

Član 35.

(Prestanak važenja)

Stupanjem na snagu ovog pravilnika prestaje da važi Pravilnik o kriterijima za podršku finansiranju javnog interesa u sportu Kantona Sarajevo ("Službene novine Kantona Sarajevo", broj 13/23).

Član 36.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 12/01-02-12647/25

17. aprila 2025. godine

Sarajevo

Ministar

Kenan Magoda, s. r.

Prilog 1

KANTON SARAJEVO
MINISTARSTVO KULTURE I SPORTA

TABELA VREDNOVANJA PRIJEDLOGA PROGRAMA

Naziv predlagača programa: _____

Naziv programa: _____

Kriterij	Maks. rezultat	Ocjena
1. Društvena ili ekonomska opravdanost projekta	20	
1.1. Koliko su jasno definisani i strateški odabrani subjekti koji su vezani za program, odnosno posredujući, krajnji korisnici, ciljne grupe	5	
1.2. Da li su potrebe ciljne grupe i krajnjih korisnika jasno definisane i dobro odražene?	5	
1.3. Konkretnost programa sa javnim interesom u oblasti sporta utvrđenim Zakonom o sportu Kantona Sarajevo i drugim podzakonskim aktima	5	
1.4. Da li će aktivnosti provedene programom imati konkretan uticaj na ciljne grupe i razvoj sporta u Kantonu Sarajevo?	5	
2. Kvalitet izrade programa	20	
2.1. Da li su planirane aktivnosti odgovarajuće, praktične i dosljedne ciljevima i očekivanim rezultatima?	5	
2.2. Da li nosilac programa ima dovoljno stabilne i dovoljne izvore finansiranja?	5	
2.3. Da li je plan realizacije programa dobro razrađen i izvedljiv?	5	
2.4. Da li je odnos između procijenjenih troškova i očekivanih rezultata zadovoljavajući?	5	
3. Kapacitet organizacije za realizaciju programa	15	
3.1. Da li nosilac programa ima dovoljno iskustva u vođenju sličnih programa?	5	
3.2. Da li nosilac programa ima dovoljno stručnosti i tehničkog znanja za vođenje predviđenog programa?	5	
3.3. Da li nosilac programa ima dovoljne kapacitete (uključujući osoblje, opremu i sposobnost za upravljanje predloženim budžetom programa)	5	
4. Sportski značaj i rezultat	15	
4.1. Uspjehi nosioca programa na zvaničnim takmičenjima u protekloj godini	5	
4.2. Članovi reprezentacije Bosne i Hercegovine	5	
4.3. Rang takmičenja u kojem nosilac programa nastupa	5	
5. Inkluzivnost i specifične potrebe	10	
5.1. Da li program namijenjen osobama sa invaliditetom, ženama, djeci?	5	
5.2. Da li je program namijenjen osobama koje su podložne situaciji društveno isključenosti ili marginalizacije?	5	
6. Finansijska održivost i finansiranje	10	

6.1. Da li je finansijski plan programa realan i izvedljiv? (da li su planirane sredstva iz svih izvora sredstava i vlastita sredstva)	5	
6.2. Da li je program održiv? (da li su sve troškove programa iz svih izvora finansirani)	5	
7. Tradicija i ugled	10	
7.1. Nosilac programa osnovan prije 10 i više godina/Sportska manifestacija organizovana 10 i više puta	5	
7.2. Nosilac programa osnovan prije 1 godine do 10 godina/Sportska manifestacija organizovana od 1 do 10 puta	5	

Kriterij 1	
Kriterij 2	
Kriterij 3	
Kriterij 4	
Kriterij 5	
Kriterij 6	
Kriterij 7	
UKUPNO:	

Komentar:

Datum:

Potpis člana komisije

Ocjenjivanje programa vrši se ocjenama od 1 do 5, gdje je:

- 1 - loše;
- 2 - dovoljno;
- 3 - dobro;
- 4 - vrlo dobro;
- 5 - odlično.